

Osnivačka skupština Vijeća mladih koju su činili predstavnici tri omladinska udruženja s područja općine Orašje: NVO Puls, Udruženje Mozak i Klub borilačkih vještina korpion donijeli su odluku o osnivanju Vijeća mladih općine Orašje. Za predsjednicu Vijeća izabrana je Adila Niklić iz NVO Puls, za predsjednika Upravnog odbora Admir Nurkić, a za predsjednicu Skupštine Jasmina Niklić također iz NVO Puls. Usvojen je i Statut Vijeća mladih uz preporuke Instituta za razvoj mladih KULT Sarajevo, a na sastanku osnivačke skupštine bili su prisutni predstavnici OSCE-a BiH Bijeljina i službenik za mlade općine Orašje. Naredni korak Vijeća mladih je registracija u Ministarstvu pravde Republike Posavske, a zatim i prvi sastanci na kojima će se donijeti plan i program rada za ovu godinu. Cijeli proces osnivanja je podržao PRONI kroz projekat Institucionalni dijalog između mladih vlasti kroz osnivanje vijeća mladih. Uloga PRONI centra je bila savjetodavna u svim koracima pri osnivanju vijeća, a ova podrška će se nastaviti i dalje u radu i razvitku vijeća mladih. U općini Domaljevac PRONI predstavnik je održao sastanak sa predstavnicima tri udruženja, pomoćnikom načelnika, referenticom za pitanje mladih, predstavnicima OSCE-a. Na sastanku dogovoren je početak osnivanja Vijeća mladih općine Domaljevac. PRONI je na ovom sastanku pružio podršku, te će i ovoj općini udruženjima pružiti podršku u osnivanju vijeća mladih.



Projekat Institucionalni dijalog između mladih i vlasti kroz osnivanje vijeća mladih provodi se u suradnji s Demokratskom organizacijom mladih Velika Kladuša, PRONI Brčko, Omladinski savjet Vlasenica, KULT Gradačac, te Institutom za razvoj mladih KULT uz podršku Evropske unije. Ovaj projekt nastoji uspostaviti institucionalne nevladine omladinske strukture, kako bi mogle sudjelovati u svim procesima donošenja odluka za mlade, na svim razinama vlasti. Više informacija o aktivnostima možete pronaći na <http://www.mladi.org/> www.mladi.org